



Jabatan Keselamatan dan
Kesihatan Pekerjaan

SURAT PEKELILING AM

BILANGAN 3 TAHUN 2019

ARAHAN PEMATUHAN

AKTA KESELAMATAN DAN KESIHATAN PEKERJAAN 1994 (AKTA 514) DAN PERATURAN-PERATURAN DI BAWAHNYA OLEH SEMUA KEMENTERIAN, JABATAN, AGENSI KERAJAAN DAN BADAN BERKANUN PERSEKUTUAN.



MENGAPA SPA BIL. 3 TAHUN 2019 DIWUJUDKAN

Semua tempat kerja adalah tertakluk kepada Akta Keselamatan dan Kesihatan Pekerjaan 1994 (Akta 514) termasuk Sektor Awam

Falsafah Akta 514

Kewajipan untuk memastikan keselamatan dan kesihatan di tempat kerja terletak kepada mereka yang mewujudkan risiko dan bekerja dengan risiko berkenaan



Komitmen ini telah dizahirkan oleh YAB Perdana Menteri melalui Dasar Keselamatan dan Kesihatan Pekerjaan Negara (DKKPN) yang ditandatangani pada 15 Januari 2019.

Pihak Pengurusan Tertinggi Kerajaan memberi komitmen yang tinggi terhadap KKP penjawat awam.

Saranan CUEPACS selaku ahli Majlis Negara bagi Keselamatan dan Kesihatan Pekerjaan (MNKKP) untuk menjamin Keselamatan dan Kesihatan Pekerjaan Penjawat Awam di Malaysia.

Agensi Kerajaan boleh bertindak sebagai model kepada industri melalui pengamalan Budaya Pencegahan Keselamatan dan Kesihatan Pekerjaan (KKP) dalam kalangan penjawat awam.

Agensi Kerajaan berperanan mempengaruhi tahap KKP industri dengan menerapkan KKP sebagai syarat yang perlu dipatuhi.

Kerajaan memandang serius terhadap kemalangan pekerjaan yang berlaku di kalangan penjawat awam.

SIAPA YANG PERLU MEMATUHI

SPA Bil. 3 Tahun 2019 ini **diwajibkan** kepada semua:

Kementerian



Jabatan



Agensi Kerajaan



Badan Berkanun Persekutuan



Pemakaian



Bagi semua Jabatan, Agensi Kerajaan dan Badan Berkanun Negeri boleh menggunakan SPA Bil. 3 Tahun 2019 sebagai panduan menguruskan KKP di tempat kerja. ...

APAKAH TINDAKAN KETUA JABATAN


Mematuhi Keselamatan dan Kesihatan Pekerjaan

Dasar Keselamatan dan Kesihatan Pekerjaan

- Menyediakan pernyataan bertulis mengenai Dasar Keselamatan dan Kesihatan Pekerjaan, ditandatangani Ketua Jabatan, dikomunikasi kepada semua kakitangan dan dipamerkan.

Jawatankuasa Keselamatan dan Kesihatan (JKK)

- Menubuhkan JKK apabila kakitangannya mencapai empat puluh (40) kakitangan dan lebih.
- Komposisi JKK.



- Fungsi JKK
 - Menjalankan pemeriksaan tempat kerja dan dilaporkan
 - Menjalankan siasatan kemalangan / aduan dan analisa
 - Membantu mewujudkan prosedur kerja
 - Mengkaji semula Keberkesanan Program dan Dasar KKP

Mewujudkan Prosedur Kerja Selamat dan Penaksiran Risiko

- Membangunkan Prosedur Kerja Selamat bagi semua aktiviti kerja atau proses yang dijalankan serta menjalankan penaksiran risiko (contoh: *HIRARC* atau *Job Safety Analysis* dan sebagainya).

Maklumat, Arahan dan Latihan Keselamatan dan Kesihatan Pekerjaan

- Mendokumenkan maklumat KKP agar mudah dirujuk dan disemak bersesuaian aktiviti Jabatan dan bagi tujuan pengauditan.

Pengurusan Bahan Kimia Berbahaya

- Mengurus penggunaan bahan kimia dari mula bahan kimia diperolehi sehingga dilupuskan.

Pelaporan Kemalangan, Kejadian Berbahaya, Keracunan dan Penyakit Pekerjaan

- Melaporkan kemalangan dan penyakit kepada JKPP melalui Sistem Pelaporan atas talian mykkp.dosh.gov.my dan eJKPP7.

Nota: Untuk keterangan secara terperinci, sila rujuk Lampiran A SPA Bil. 3 Tahun 2019

APAKAH MANFAAT PELAKSANAAN SPA BIL 3 TAHUN 2019

Organisasi

- Membantu Jabatan mematuhi peruntukan di bawah Akta Keselamatan dan Kesihatan Pekerjaan 1994.
- Mewujudkan persekitaran tempat kerja yang selamat, sihat dan kondusif.
- Meningkatkan imej dan penarafan KKP di organisasi.

Kerajaan

- Mengurangkan pembayaran pampasan akibat kemalangan pekerjaan.
- Melindungi modal insan negara daripada kehilangan akibat kemalangan pekerjaan.

Penjawat Awam

- Meningkatkan keyakinan kakitangan untuk melaksanakan kerja secara produktif.
- Memberikan kesan positif terhadap kualiti hidup kakitangan.

NOTA

Sebarang maklumat lanjut atau pertanyaan boleh diperolehi melalui laman sesawang Jabatan Keselamatan dan Kesihatan Pekerjaan www.dosh.gov.my atau emel kepada projkkp@mohr.gov.my